



EVROPSKA UNIJA – BOSNA I HERCEGOVINA
ŠESTI SASTANAK PODODBORA SSP-A ZA POLJOPRIVREDU I
RIBARSTVO
BRISSEL/SARAJEVO, 16. 06. 2022. GODINE



Preporuke Evropske unije

Evropska komisija je preporučila vlastima BiH da strategije i propise treba raditi u konsultacijama sa zainteresovanim stranama, da se sredstava dodjeljuju u skladu sa ciljevima strategije, da se da prednost kvaliteti nad brzinom izrade dokumenata, da se poboljša statističko prikupljanje podataka, te da se osigura mehanizam praćenja provedbe strategije.

POLJOPRIVREDA I RURALNI RAZVOJ (POGLAVLJE 11)

1. EU potiče BiH da nastavi osiguravati poštivanje svih odredbi **SSP-a koje se odnose na trgovinu**.
2. EU potiče BiH na daljnje usklađivanje **trgovinske statistike** za poljoprivredne proizvode, prerađene poljoprivredne proizvode, ribu i riblje proizvode sa statističkim sistemom EU kako bi se omogućila odgovarajuća analiza i spriječile razlike između podataka BiH i EU za određene robe.
3. EU potiče BiH da preduzme neophodne korake kako bi se ubrzale pripreme za **poljoprivredni popis**. Nedostatak popisa ozbiljno ometa poljoprivrednu statistiku i izradu politike poljoprivrednog i ruralnog razvoja. U tom smislu, EU poziva BiH da usvoji Akcioni plan za pripreme, provedbu i objavljivanje rezultata poljoprivrednog popisa, te da pripremi i usvoji cjelodržavnu zakonsku osnovu za provođenje poljoprivrednog popisa u 2023. godini.
4. EU poziva BiH da pojača napore za poboljšanje **administrativnih kapaciteta** i resursa s ciljem bolje pripremljenosti i postepenog približavanja Zajedničkoj poljoprivrednoj politici EU (ZPP), posebno u pogledu uspostavljanja agencije za plaćanje i Integrisanog administrativnog i kontrolnog sistema (IAKS).
5. EU potiče BiH da ubrza neophodne ekonomske reforme kako bi se povećala **konkurentnost** ovog sektora.
6. EU poziva BiH da poduzme potrebne mjere i korake kako bi napredovala u uspostavljanju i poboljšanju različitih **poljoprivrednih informacionih sistema** i osigurala njihovu usklađenost u cijeloj zemlji.
7. EU potiče BiH da osigura provedbu „**Strateškog plana za ruralni razvoj BiH (2018-2021) – okvirni dokument**“, kroz dobro usmjereno korištenje predviđenih sredstava u skladu sa glavnim principima ZPP-a, kao i efikasan i redovan nadzor na svim nivoima vlasti. Vlasti na državnom nivou imaju posebnu koordinacionu ulogu i odgovornost da rade prema usklađenom pristupu.

U tom kontekstu, EU potiče BiH da ubrza pripremu i usvoji svoju cjelodržavnu strategiju nakon 2021, što je prije moguće u 2023. godini, **uz podršku projekta EU4Agri**.

8. EU poziva BiH da ostvari napredak u **usklađivanju mjera podrške** u cijeloj zemlji i postepeno ih uskladi s *acquisem*.
9. EU potiče BiH da osigura usvajanje zakona o **vinu i organskoj proizvodnji** na državnom nivou i njihovu usklađenost s *acquisem*. U tom pogledu BiH mora uskladiti zakone na entitetskom nivou s onim na državnom nivou.
10. EU potiče BiH da nastavi s usklađivanjem državnog **Zakona o hrani** s najnovijim izmjenama *acquisa* i nastavi napredak u oblasti **vina i žestokih pića**.

SIGURNOST HRANE, VETERINARSKA I FITOSANITARNA POLITIKA

(POGLAVLJE 12)

11. EU potiče BiH da izgradi i održava pouzdan i održiv sistem registracije životinja i vakcinacije gdje god je to potrebno kao mjeru za poboljšanje kontrole bolesti životinja.
12. EU potiče BiH na intenzivnije praćenje i nadzor kontrole bolesti životinja. Posebno je potrebno održati kampanje za vakcinaciju protiv bjesnila i bruceloze i dugoročno intenzivirati mjere za suzbijanje bolesti.
13. EU potiče BiH da nastavi usklađivanje s *acquisem* EU u oblasti sigurnosti hrane, veterinarske i fitosanitarne politike usvajanjem propisa na državnom nivou bez odlaganja, te da nastavi s usklađivanjem domaćih propisa u ovim oblastima s najnovijim izmjenama *acquisa* EU.
14. EU potiče BiH da ojača i unaprijedi svoje institucionalne i administrativne kapacitete, uključujući kapacitete inspekcija i laboratorija.
15. EU potiče BiH da ubrza pripreme za uspostavu nacionalnih referentnih laboratorija, kroz daljnje usklađivanje s *acquisem*, te posebno putem povećane akreditacije laboratorijskih metoda koje se koriste za održavanje higijene, u veterinarskoj i fitosanitarnoj kontroli te kontroli hrane i hrane za životinje.

RIBARSTVO (POGLAVLJE 13)

16. EU poziva BiH da nastavi sa pripremanjima i da informiše o trenutnom stanju svoje cjelodržavne strategije za ribarstvo i akvakulturu i o Akcionom planu za približavanje *acquisu* u tom sektoru (npr. usklađivanje sa Uredbom o zajedničkoj organizaciji tržišta, okvirom za prikupljanje podataka (DCF)), što je od ključne važnosti za usklađivanje sa Zajedničkom politikom u oblasti ribarstva i dalju pomoć.
17. EU potiče BiH da dostavi Komisiji nacrt cjelodržavne strategije za ribarstvo i akvakulturu kada bude dostupan.
18. EU potiče BiH da ojača svoje upravne i finansijske kapacitete neophodne za provedbu politike ribarstva i kontrolnih mjera, i da riješi ostala neriješena pitanja kao što je uspostavljanje i upravljanje registrom flote.
19. EU potiče BiH da nastavi sa usklađenim prikupljanjem podataka i statistika za cijelu zemlju o ulovu i istovaru ulova po vrsti ribe, i da dostavi najnovije podatke o aktivnostima uključujući radionice i distribuciju relevantne dokumentacije o operativnim planovima i dogovorenim metodologijama.